

XIX. For to make Fruturs^e.

Nym flowre and eyryn and grynd peper and safroñ and mak therto a batour and par aplyn and kyt hem to brode penys^f and keft hem theryn and fry hem in the batour wyth fresch grees and serve it forthe.

XX. For to make chanke^s.

Nym Porke and seth it wel and hak yt smal nym eyryn wyth al the wytys and swyng hem wel al togedere and kast god swete mylke thereto and boyle yt and messe it forthe.

XXI. For to make Juffel.

Nym eyryn wyth al the wytys and mice bred grynd pepyr and safroñ and do therto and temper yt wyth god fresch broth of porke and boyle it wel and messe yt forthe.

XXII. For to make Gees^h in ochepotⁱ.

Nym and schald hem wel and hew hem wel in gobettys al rawe and seth hem in uer owyn grees and cast therto wyn or ale a cuppe ful and myce onyons smal and do therto and boyle yt and salt yt and messe yt forthe.

^e Fritters. ^f Pieces as broad as pennies, or perhaps pecys.

^s Quære. Ge. c.

ⁱ Hochepot. Vide Giofi.